


未曾有因緣經

下

莫七

百七十五

48534



元祿九年丙子二月日重脩

皇圖鞏固 帝階綴昌

佛日增輝 懺輪常轉

山城州天安寺法金剛院置



未曾有因緣經卷下

莫

蕭齊三歲釋曇景譯

佛告王曰欲聞者善者心諦聽吾當與汝分別說之佛復惟曰今我法中有諸比丘言行不同心口相違或為利養錢財飲食或為名譽要集眷屬或有狀惡王法使役出家為道都無有心向三脫門度三有苦以不淨心貪受信施不知後世彌劫受殃償其宿債為是等故豈得不說佛告王曰憶念過去無數劫時有一大國名裴扇闍有一女人名曰提韋婆羅門種夫喪守寡其家大富都無兒息又無父母守孤抱窮無所恃怙婆羅門法若不

如意便生自燒身諸婆羅門時時共往到提
韋所教化之曰今身之厄莫不由汝前身罪
業何謂爲罪不敬奉事諸婆羅門又不孝順
父母文聾復無慈心養育兒子有是罪故致
令令身抱孤守厄汝今若不修福滅罪後世
轉劇墮地獄中當念之時悔無所及

提韋問曰當作何福得滅罪耶婆羅門曰滅
罪二種其罪輕者手自翫頭香湯洗浴入天
廟中懺悔辭謝那羅延天請婆羅門足一百
人施設飲食設飲食已以乳牛百頭從犢子
者覲婆羅門然後罪滅所以者何諸婆羅門
修淨梵行不食酒肉五辛葱蒜唯仰牛乳以

為食資令施主檀越滅罪生福世世所生所願從心汝今罪重應以家中一切所有諸珍寶物布施五百大婆羅門諸婆羅門得布施已當為呪願令汝後生常得大富欲滅重罪者於恒水邊積薪自燒諸婆羅門當復呪願令汝前身所造一切輕重過罪一時滅盡後

世更生無復餘殃父母兄弟夫背兒子壽命無量快樂無極於是提韋便許可之決定開心當自燒身便勅家奴將十乘車入山伐樵規以自燒

今時國中有一道人名鉢底婆漢言辯精進持戒多聞智慧常以慈心教化天下今改

邪就正捨惡修善傳聞提韋欲自燒身心生
憐愍往詣其所問提韋言辦具薪火欲何所
爲提韋答言欲自燒身滅除殃罪辯才荅曰
先身罪業隨逐精神不與身合徒苦燒身安
能滅罪夫人禍福隨心而起心念善故受報
亦善心念惡故受惡果報心念苦樂受報亦
尔如人餓死則作餓鬼苦惱死者受苦惱報
歡喜死者受歡喜報安隱快樂果報亦尔汝
今云何於苦惱中求欲滅罪望善報也幸可
不須於理不通

復次提韋如困病人爲苦所逼若有惡人來
至其所呵罵病人以手搏耳於意云何尔時

病人寧有善心無忿惱不提韋答言其人因
病未見人時常懷忿惱況被搏耳而當無怒
辯才答曰汝今如是先身罪故守窮抱厄常懷
憂惱復欲燒身欲離憂惱智可得不如因病
人得人呵罵尚增苦惱百千万倍況自燒身
猛炎起時身體焦爛氣息未絕心未壞故當
尔之時身心被煮識神未離故受苦毒煩悶
心惱從是命終生地獄中地獄苦惱尤轉增
劇百千萬倍求免甚難況欲燒身求離苦也
復次提韋譬如車牛馱患車故欲使車壞前
車若壞續得後車扼其項領罪未畢故人亦
如是假令燒壞百千方身罪業因緣相續不

滅如阿鼻獄燒諸罪人一日之中八万過死
八万更生過一劫已其罪方畢況復汝今一
過燒身欲求滅罪何有得理尔時辯才種種
因緣為說正法提韋女人心開意解改志易
操燒身意息白辯才言當設何方今得滅罪
辯中荅言前心作惡如雲覆月後心起善如
炬消闇汝今幸有欲滅罪意自有方便今能
令汝不費一錢乃至不經毫分之苦滅除殃
罪現世安隱後更生處善願從心提韋聞已
心大歡喜憂怖即除如重罪囚蒙赦欲出即
起修敬禮拜問訊即勅婢使為敷高座氍毹
毳毼錦繡統縵嚴飾第一散華燒香勸請辯

才令登高座辯才受請即昇高座提韋女人
即率家內奴婢眷屬五百餘人圍遶辯才叩
頭恭敬合掌而立提韋女人白辯才言尊向
所說滅罪事由雖懷欣慶猶有微疑唯願爲
說除罪之法當如法行辯才荅曰起罪之由
出身口意身業不善殺盜邪婬口業不善妄
言兩舌惡口綺語意業不善嫉妬瞋恚憍慢
邪見是爲十惡受惡果報今當一心丹誠懺
悔若於過去若於今身有如是罪今悉懺悔
出罪滅罪當自立誓從今已往不敢復犯并
爲我等先人父母夫晉兄弟所有過罪我今
一心代其懺悔弟子提韋以今懺悔改惡修

善福德因緣施與一切受苦衆生今其得樂
衆生有罪我當代受復立誓言緣我今日改
邪就正悔罪修福從是因緣捨身受身至成
佛道常遭明師遇善知識壽無量命常與父
母夫哥兒子六親眷屬常相保守不經苦患
莫如今也於是辯才告提韋言悔過滅罪法
皆如是於是提韋及其眷屬於辯才前長跪
合掌白辯才言弟子之徒奉尊教誨如法懺
已願尊更賜餘善法教當勤奉行增本功德
辯才告曰今當誠心歸佛歸法歸比丘僧如
是三說今當盡形受十善道我弟子某甲從
今盡形不殺不盜不邪淫是身善業不妄言

兩舌不惡口綺語是口善業不嫉妬瞋恚憍
慢邪見是意善業是則名為十善戒法今時
辯才教授提韋十善法已提韋眷屬歡喜踊
躍盡心奉行提韋女人為設種種百味飲食
及諸珍寶於辯才前長跪叉手白辯才言願
尊留神垂愍教化今當為尊造立宮室隨所
使宜終身奉事辯才荅曰汝今以能捨邪就
正淨修十善為正法子復以十善教化天下
則為已報師徒重恩汝已得度我不宜留吾
今復當往化餘處今時提韋知師不住運輦
庫藏諸珍寶物以奉上師冀得留意辯才不
受辭退便去於是提韋心自念言今日之濟

莫不由我尊師和上開悟成就教授重恩苦
請不留又復不受珍寶之物當如之何悲感
傷心涕淚交流叩頭辭謝於是別去

辯戈去後提韋女人與其眷屬五百餘人常
以十善展轉相化經於多時介時國中忽遇
穀貴人民飢餓時有五比丘懶惰懈怠不修
學問經書義理又不專行持戒精進世人輕
慢不供養之貧窮困苦無復生理五人議曰
夫人生計隨時形宜人命至重不宜守死各
共乞索辦具繩牀於曠野中掃灑淨潔華幡
莊嚴依次而坐外形似禪內思邪濁世人見
之謂是聖人賫持供養百種飲食雲集供養

於是五人飽足有餘。介時提韋聞是事已遣人訪覓信還報曰：有五聖人獨坐山澤，世人雲集如事天神。提韋歡喜而自慶，言我願果矣。明日即勅嚴駕寶車香華伎樂百種飲食詣五比丘。提韋到已禮拜問訊，施設供養飲食。畢已提韋眷屬恭敬合掌白比丘曰：

尊德至重，無上福田。衆生蒙祐，不宜自輕。弟子愚意，欲請尊靈臨願貧舍，展釋微誠。唯願慈哀，濟度群生。弟子亦有清淨園林，流泉浴池，嚴飾光榮。

提韋眷屬叩頭再拜三時。五比丘知其意至便，許可之。提韋歡喜，辭還家中，即遣使人莊嚴。

寶車迎五比丘還家供養提羣女人有好園
林去舍不遠其園縱廣足滿十頃流泉浴池
奇華異果鵝鵲鴛鴦清淨嚴好於其園中造
立堂舍衆寶莊校其堂舍中敷置牀席衆好
卧具香潔第一令五比丘止住其中提羣女
人終身給事隨時便宜飲食湯藥供養使令
不失時節時五比丘既被主人恩厚供養安
隱快樂而自慶言何慰如之夫人生世種種
方宜求覓財利以救貧乏雖得如意不如我
等都不勞身而食福祿此豈不由智慧力乎
其五比丘察見主人慇懃意重而共議言雖
得主人隨宜供給日富歲貧不能濟人歲寒
富樂我等今宜更施方便求覓錢財充爲後
時受五欲樂作是論已更相易代差遣一人

富樂我等今宜更施方便求覓錢財充爲後
時受五欲樂作是論已更相易代差遣一人
遊諸聚落宣語諸人唱如是言彼四比丘閑
居寂靜護持禁戒斷絕酒肉不食葱蒜稱於
梵行修禪止觀證無漏業不久修行成阿羅
漢則爲天下無上福田衆人聞已賈持種種

錢財飲食運集來詣恭敬供養如是多年提
韋女人直心敬信隨宜供養歡喜無厭壽盡
命終生化樂天其五比丘專行巧偽邪濁心
故福盡命終生地獄中八千億劫受大苦報
地獄罪畢受餓鬼形魑魅魍魎如是展轉經
八千劫餓鬼罪畢受六畜身償其主人先世

供養業報因緣或作駱駝驢騾牛馬隨其主人所受福慶常以筋力報償主人如是展轉復八千世畜生罪畢雖獲人身諸根闇鈍無男女根名為石女自余以來八千世中常以筋力報償主人於今不息佛告王曰余時提韋者皇后是也余時辯才者目連是也時五比丘即今皇后隨從擔舉扇提羅等五人是也王白佛言如世尊說五人起因今者唯見擔舉四人其餘一人為何所在佛告王曰其一一人者常在宮內修治廁溷除糞者是皇后聞已肅然毛豎心懷怖懼更起禮佛侍立合掌而白佛言如世尊說扇提羅等是我前世

因緣師者實懷憂怖恐犯逆罪所以者何夫
人師者應修恭敬頂戴禮拜是其宜也而反
使擔輦不異牛馬以是因緣甚懷怖懼願佛
垂哀聽我懺悔佛告之曰皇后福德自無過
罪何故疑懼衆生殊性業行不同善者受福
惡自受殃皇后本時直心清淨信樂修福福
德因緣自介以來世世所生常遭明師信受
教誨從善入善從祿入祿至於今日食福自
然值佛出世前身福德因緣力故復聞正法
如說修行以是因緣無罪咎也

其扇提羅五人因緣由其本時邪濁佞諂無
有慈心受汝供養罪業因緣償其宿債皇后

白曰今聞佛說本業因緣弟子疑解無憂懼也此扇提羅罪業果報何當畢耶弟子今者放扇提羅不敢驅使隨意東西唯願世尊說法開悟令其心解改惡修善速得免苦佛告之曰今欲令我開化其者喚彼宮內除糞者來皇后即時遣使令喚扇提羅來使者受命須臾將來扇提羅等五人聚集於佛前立世尊大慈先以善言慰勞之曰汝等諸子體氣康和安隱快樂無苦惱不五人怒曰佛不知時所以者何晝夜勤苦鞭打使役不暇得息有何樂哉佛豈不知如是事乎而反問人快樂以不佛告五人今身之苦皆由前世邪濁

諂曲懷不善心受人供養罪業因緣展轉所
生至於今身償罪因緣猶故未畢若欲求勉
惡果報者今應至心丹誠悔過改惡修善從
是因緣可得勉苦扇提羅等聞佛語已忿怒
隆盛反背向佛不欲聽聞佛以神力令一化
佛對其前立方便慰喻勸令懺悔扇提羅等
又反向東復有化佛對前而立復反向西復
有化佛四維上下皆有佛對扇提羅等見佛
圍遶五人即時稱怨大喚而作是言我等今
者是弊惡罪人佛今何為苦見逼耶尔時世
尊還攝化佛為一佛身
佛告大衆國王太后諸比丘等汝等見是扇

提羅不咸言唯然汝等當知衆生罪業有二
種障一者業障二者煩惱障其罪輕者有煩
惱障重罪業障扇提羅等具有二障重罪障
故不得受化非可如何尔時皇后見扇提羅
不受佛化哀感傷心語五人曰自今以後永
解因緣隨意東西無憂使樂扇提羅等長

涕淚白皇后言我等五人奉事大家有何等
憊非意今日被驅棄捐若有不稱唯願弘恕
使役如前於是皇后辭讓再三扇提羅等不
欲離去皇后白佛弟子至意放扇提羅不肯
欲離當如之何佛告之曰扇提羅等償債未
畢因緣繫縛不令得去非可如何且順其意

復其事業償因緣畢自當得脫佛告王言夫
人修福謙虛敬重直心清淨行於道業功德
無量火不能燒水不能澍偷劫盜賊不能得
使國王強力不能動轉如今皇后受福報也
人行惡心貪現前利如扇提羅歷世受殃於
今不息雖遇聖化如風過耳罪業力故反生
怨嫉窈窳冥冥何時當勉今時世尊慈悲心
故告諸比丘如我前說人身難得值佛時難
法難得聞終壽亦難汝等諸子前身微善得
生人道遇佛在世間法信受割斷恩愛離別
父母兄弟妻子六親眷屬出家爲道如囚勉
獄應捨惡從善中表相應言行無異少欲知

足不貪世榮忍飢耐渴志存無爲研精學問
棄捐衆惡莊嚴智慧修無漏業出生死海復
以智慧順化天下使行十善是則名爲自度
度人應菩薩業尔時會中有諸比丘聞佛說
已自忖所行身口意業不稱道法五百餘人
即起修敬叩頭懺悔叉手合掌而白佛言如
世尊教三不善業我等悉有今於佛前發露
懺悔唯願天尊表察其誠從今以往誓不爲
非當如法行願佛證知佛言諸子三界聖尊
衆生之父子今悔惡修善甚是所欣當隨尔盡
復次五百鹿行比丘聞說是已即起修敬叩
頭向佛白言世尊我等不堪修出家道所以

者何從昔已來爲利養故行於邪濁有虛無
實受人供養負債滋多爲是等故實懷憂懼
今欲捨道還歸俗緣願佛垂聽佛告比丘善
哉善哉吾助尔喜所以者何夫人行如把
刀持毒不能堪者不如不爲何以故執持不
勤反爲害故汝等今者信於業報有慚愧心
慚愧因故除滅過罪增長善根弥勒菩薩後
成佛時初會說法當得上度又告比丘寧割
身肉以用供口不以邪心受人施也甚難甚
難慎之慎之

尔時佛子羅睺羅等五十沙弥聞佛說彼扇
提羅等禍所由起因緣本末甚大憂懼即各

修敬頭面禮佛叉手合掌白言世尊今聞說
此扇提羅等宿業因緣受苦果報甚懷怖懼
所以者何和上舍利弗大智福德爲國中豪
族所見知識衆人競共雲集供養餉致最上
甘珍美味小兒愚癡無有福德食人如是妙
好飲食後世當復償其因緣受苦果報如扇
提羅是故我等實懷憂慮彼諸長德五百比
丘尚不能堪退道還俗而況小兒無智慧者
願佛垂哀賜聽我屬捨道還家冀免罪讎不
經苦厄尔時世尊告羅睺羅汝今畏罪欲得
還家求離苦者是事不然何以故如有二人
乏食飢餓忽遇主人爲設種種肥濃美味其

人飢餓貪食過飽然此二人一者有智二者
愚癡有智之人自知食過身體沉重頻申欠
缺恐致苦患即詣明醫謙虛下意叩頭求哀
請除苦患良醫即賜摩檀提藥令其服之其
人即吐腹中宿食吐宿食已令近暖火禁節
消息其人因是得免禍患終保年壽安隱快
樂其無智者不知食過謂是鬼魅消費家財
橫教生命祠祭鬼神欲求濟命唐費功夫腹
中宿食遂成生風生氣轉筋絞切心痛因是
死亡生地獄中兩世受苦由無智焉
佛言汝羅睺羅畏罪還家如彼無智愚癡人
也夫人求福欲離罪者當謙虛精勤親近明

師修習智慧悔惡罪業改往修來從是漸漸
智慧成就慧成就故消滅衆罪如我前說日
光威力能除衆真人修智慧亦復如是緣汝
先有善根因緣遭值我時舍利弗等如彼明
醫能濟占患而得不死子今何爲捨明入闇
汝彌羅睺白言世尊諸佛智慧猶如大海羅
睺等心猶如毫末豈能受持如來智慧佛告
羅睺如天雨滂後不及前雖不相及能滿大
器修學智慧亦復如是從小微起終盛大器
盛大器已轉盛餘器如是展轉滿無量器是
則名爲自利利人自利利人名爲大士如我
今也羅睺羅等聞佛說已心開意解無復憂

慮如世尊教當具奉行不敢疑也

尔時會中國王太子名曰祇陀聞佛所說十善道法因緣果報無有窮盡長跪叉手白天尊曰佛昔令我受持五戒今欲還捨受十善法所以者何五戒法中酒戒難持畏得罪故世尊告曰汝飲酒時爲何惡耶祇陀白佛國中豪強時時相率賣持酒食共相娛樂以致歡樂自無惡也何以故得酒念戒無放逸故是故飲酒不行惡也佛言善哉善哉祇陀汝今以得智慧方便若世間人能如汝者終身飲酒有何惡哉如是行者乃應生福無有罪也夫人行善凡有二種一者有漏二者無漏

有漏善者常受人天快樂果報無漏善者度
生死苦涅槃果報若人飲酒不起惡業歡喜
心故不起煩惱善心因緣受善果報汝持五
戒何有失乎飲酒念戒益增其福先持五戒
今受十善功德倍勝十善報也

時波斯匿王白佛言世尊如佛所說心歡喜
時不起惡業名有漏善者是事不然何以故
人飲酒時心則歡喜歡喜心故不起煩惱無
煩惱故不行惱害不害物故清淨三業清淨之道
即無漏業世尊憶念我昔遊行猶戲忘將廚宰
於深山中覺飢欲食左右共言王朝去時不被命
勅今將廚宰即時無食我聞是語已走馬還宮

教今索食王家廚監名修迦羅修迦羅言即
無現食今方當作我時飢逼忿不思惟瞋怒
迷荒教勅傍臣斬殺廚監臣被王教即共議
言蘭括國中唯此一人忠良直事今若殺者更
無有能為王監廚稱王意者時末利夫人聞王
教勅殺修迦羅情甚愛惜知王飢乏即令辦
具好肉美酒沐浴名香莊嚴身體將諸伎女
往至我所我見夫人莊束嚴麗將從伎女好
酒肉來瞋心即歇何以故末利夫人持佛五
戒斷酒不飲我心常恨今日忽然將酒肉來
共相娛樂展釋情故即與夫人飲酒食肉作
衆伎樂觀喜娛樂恚心即滅夫人知我忘失

怒意即遣黃門輒傳我命令語外臣莫殺廚
監即奉教旨我至明且深自悔責愁莫不食
顏色憔悴夫人問我何故憂愁爲何患耶我
言吾因昨日爲飢火所逼瞋恚心故殺修迦
羅自計國中更無有人堪監我廚如修迦羅
者爲是之故悔恨愁耳夫人笑曰其人猶在
願王莫愁我重問曰爲實如是爲戲言耶荅
言實在非虛言也我今左右喚廚監來使者
往召須臾將來我大歡喜憂恨即除王白佛
言末利夫人持佛五戒月行六齋一日之中
終身五戒以犯飲酒妄語二戒八齋戒中頓
犯六戒此事云何所犯戒罪輕耶重耶世尊

荅曰如此犯戒得大功德無有罪也何以故
為利益故如我前說夫人修善凡有二種一
有漏善二無漏善末利夫人所犯戒者入有
漏善不犯戒者名無漏善依語義者破戒修
善名有漏善依義語者凡心起善名無漏善
王白佛言如世尊說末利夫人飲酒破戒不
起惡心而有功德無罪報者一切人民亦復
皆然何以故我念近昔舍衛城中有諸豪族
刹利公主因小諍競乃致大怨各各結謀興
兵相伐兩家並是國中豪強復是親戚非可
執錄紛紜鬪戰不從理諫深為憂之復自念
言昔太子時先王大臣名提韋羅恃其門宗

富貴豪強而見輕慢形調戲弄劇於畜生當
時忿恚情實不分意欲誅滅力所不堪訴向
父王復不聽省懷毒抱恨非可如何以是之
緣飲食損常懊惱愁悴介時太后見我愁苦
種種諫曉愁故不息於時太后愛子情重便
遣使人求覓好酒勸我令飲即白母言先祖
相承事那羅延天奉婆羅門今若飲酒懼恐
天怒爲婆羅門之所譴罰太后當時懼子致
命於夜靜時閑閑宮門不令異人黃門婢使
而得知者太后言夫天神者有慈悲心救一
切苦婆羅門者皆應如是子今愁毒唐自失
命天神豈能救子命耶寧當服藥消散憂患

得全身命諸婆羅門未得天眼安能知子隱
密事耶逼迫再三俛仰從之既飲酒已忘失
愁恨太后見子還復顏色心即歡喜召集宮
女作唱伎樂三七日中受五欲樂所追忿恨
從是得息思惟是已即勅忠臣令辦好酒及
諸甘饌又使宣令國中豪族群臣士民悉皆
令集欲有所論國中大事諸臣諍競兩徒眷
屬各有五百等應召來集於王殿上莊嚴大
樂王勅忠臣辦琉璃椀椀受三升諸寶椀中
盛滿好酒我於衆前先擎一椀主曰今論國
大事想無異心坐此會也今當人人辦此一
椀甘露良藥然後論事成言唯諾奉大王命

並勅伎官作倡伎樂諸人得酒並聞音樂心中歡樂忘失仇恨沛然無憂王復持椀白諸君曰士夫修德歷世相承遵奉聖教不應差違諸君何爲因於小事忿諍如之若不忍者恐忘國嗣是故重諫幸息諍事諸臣白王敬奉重命不敢違也因是和平王白佛言諸人起諍不因於酒然因得酒息忿諍心而得和平此豈非是酒之功也

復次世尊察見世間貧窮小人奴客婢使夷蠻之人或因節日或於酒店聚會飲酒歡樂心故不須人教各各起舞未得酒時都無是事是故當知人因飲酒則致歡樂心歡樂時

不起惡念不起惡念則是善心善心因緣應
受善報復次世尊獼猴得酒尚能起舞況於
世人如世尊說施善善報施惡惡報如世間
人緣前布施福德因緣今致大富貧者從乞
慳惜不與慳貪因緣受餓鬼報或有世人若
男若女受形端正男人好者爲女所愛女人
好者男情所樂若有強力制斷男女不令合
會不得合故則致憂苦此之殃罪當歸何處
末利夫人皆由前身以好施人故今得好報
世尊云何令持五戒月行六齋六齋之日不
得莊嚴香華服飾又復不聽作倡伎樂又復
不聽附近夫聳愛好之姿竟何所施徒亡其

功豈非苦也佛告王曰大王所難非不如是
末利夫人在年少時若我不勅令受戒法修
智慧者云何當有今日之德以能得度復度
王身如斯之功復歸誰耶末利夫人受我
教故如說而行故使今日成就智慧方便
解脫復次太王譬如世人家有一子欲令
成故及其幼年將詣學堂與師令教文藝
書疏人望禮儀學堂之法皆有制令呵責
杖罰禁節飲食不得睡眠出入行來不失
節度有違犯者隨罪輕重計而行罰見畏
杖故專心就學至年大時高才博聞靡所不
知復以所知轉教餘人末利夫人奉持齋戒

亦復如是復次大王如富樓那嫉妬心故害
斷恩愛辭別父母捨離妻子入山習學被服
草衣忍寒耐苦自立誓言要當諷誦九十六
種經書記論悉令通達不介不還與父母相
見足二十年一切通達還王舍城頭戴炬火
以銅鑠腹陌上而行自唱稱言我一切智來
至我所謂我言祢瞿曇沙門竟何所知我言
癡人而說頌曰

若有人智慧

不說人自知

如是多聞者

如日照世間

若多少有聞

自大以憍人

如人盲執燭

照彼不自明

時富樓那聞是語已霍然心悟捨炬解腹五

體投地慙愧悔過皆由多聞智慧諸根利故
未起之頃斷三界漏得羅漢道智慧之力譬
如調象隨鉤而轉大王當知夫習學者皆由
禁制攝五情根然後通達無所罣礙名無礙
智無礙智者具四辯也今富樓那具四辯才
皆由謙苦勤學所得是故我說夫慧解者有
七德才何謂為七第一信才二精進才第三
戒才四慙愧才第五聞才六為捨才七定慧
才是為七才末利夫人具此七才大王當知
末利夫人雖為女身高才智博非同凡人皆
由少來慎身口意一心專念修習智慧智慧
力故名為解脫復以智慧解悟天下今時世

尊因羅睺沙彌為諸太眾而說頌曰

聞為金翼鳥

威勢武力強

聞為行寶藏

所在相利益

聞為大橋梁

濟度眾苦厄

闍為大船師

濟度生死海

多聞令志明

以明智慧增

智則博解義

見聞行法安

多聞能除憂

能以定為歡

善解甘露法

從是得泥洹

聞為知律法

解疑亦見正

從聞捨非法

行到不死處

仙人敬事聞

諸天亦復然

檢心不放逸

積聞成聖智

慧能散憂恚

亦除非邪衰

欲求安隱吉

當奉事明者

盲從是得眼

如闇中得燭

開導世間人

如明將無目

是故應捨癡

離慢豪富樂

務學事明者

是名積聚德

尔時世尊說是偈已復告王曰王今福德聰
朗博義皆由前世親覲明師謙苦奉侍習學
所致因緣果報今為人王智慧明達隨宜撫
接世間難有是故我說般若智慧有四種義
是故當知或三乘人當學般若欲離三惡八
難苦患欲受人天快樂果報以要言之求一
切福德皆應修學智慧方便如我前說阿逸
多王勤苦習學智慧力故雖復失行生惡趣
中常識宿命識宿命故改惡修善速得解脫
感致諸天濟接供養以智慧力爲諸天師以
是因緣我說般若若有四種義尔時波斯匿王

聞佛所說智慧方便功德因緣甚大歡喜太子祇陀夫人太后群臣士民一切大眾莫不解悟各各修敬爲佛作禮復坐如故王叉手曰如佛所言世人修善凡有二種一有漏善二無漏善有漏無漏二義歸一卅尊云何說差別耶佛告王曰人有二器一者利根二者鈍根爲鈍根人說二種善利根之人不說二也所以者何衆源泉流終歸一海鈍根之人諸根闇塞是故爲說分別法耳今時國王太子祇陀白佛卅尊十善戒法有差別也同一義也妄語戒義一也多也若一義者終不可持若差品者願佛說之佛告之曰妄語有二

一重二輕何謂爲重若受戒人不修智慧愚
癡無智不能教化興隆佛法爲是之故人所
輕慢不得供養貧窮困苦爲供養故外現精
進內行邪濁展轉相教宣向諸人比丘苦行
精進得禪境界或言見佛見龍見鬼如是之
人名大妄語犯是罪者墮阿鼻獄又復妄語
能令殺人破壞人家復有妄語違失期契令
他瞋恨如是名爲下妄語也行如是者名爲
犯戒墮小地獄其餘調戲及諸私理匿禁之
事或有言無或無言有不犯戒也太子祇陀
聞說是已即於佛前受十善道法白佛言世尊
弟子今日疑悔已除發三菩提心願佛證知

佛言善哉甚大歡喜宜知是時王白佛言女
佛所說十方賢聖明達衆生因緣果報者我
父先王事外道修持禁戒絕於酒食五辛葱
蒜供養梵天日月水火常行布施求梵天福
年年常用千頭乳牛施婆羅門計四十年四
萬頭牛請婆羅門食其乳酪生酥熟酥醍醐
等味如斯功德生何天耶願佛垂哀分別教
示令諸行者普得聞知佛告王曰前王果報
今在地獄所以者何不值善時不遇善友無
善方便雖修功德不得免罪布施之功不亡
失也罪後畢時方當受福大王當知夫人修
福不與罪合不共合故要須方便令行滅罪

何謂方便謂善知識何謂善友謂正見人是
為善友常以正教調伏其心何謂正教謂觀
無常苦空無我十二因緣縛著生死修四真
諦見苦斷習滅證修道行六波羅蜜四無量
心是為方便調伏諸根根調伏故定慧成就
慧成就故其心正直心正直故能起精進精
進心故能起戒慎戒慎究竟定慧明了慧明
了故遊諸万行通達無礙行無礙故名為解
脫解脫心者即涅槃也是則名為善知識也
大王當知明師善導是大因緣不可輕也大
王今者遭賢遇聖皆由前世因緣果報聞法
信解復能解人是故我說明人難值如不比

有其所生處族親蒙慶是故當修般若智慧
王白佛言聞世尊說智慧方便皆已貫心如
世尊說禍福不同我先帝大王有何惡業受
苦報耶佛告王曰先帝大王有六種罪何謂
六種一者傲慢垢弊事無麓細便起鞭罰不
忍厚故二者貪受寶貨斷事不平致令天下
懷怨恨故三者遊蕩嬉戲苦困人民傷害衆
生所愛命故四者禁閉宮女不得從意受大
苦故五者耽著女色得新厭舊撫接不平致
怨恨故六者畏婆羅門偷食酒肉五辛葱蒜
恐被呵責行諂偽故是為六事罪業因緣生
地獄中王白佛言若如是者佛未出時弟子

亦有如斯之罪當如之何修十善行今得成
就無滯礙也佛告王曰如我先說日光出時
衆冥悉滅有餘闇不王曰燈火之光尚能滅
闇況日光明威勢力也今王福德聞佛說法
成就智慧喻若日光滅一切闇無餘罪也王
白佛言我父所事婆羅門師精進智慧修習
苦行爲求福故不惜身命或有投巖五熱炙
身或斷飲食求生梵天或大積薪生自燒身
或有翹脚張口向日或於高樹以繩繫脚而
自倒懸或卧刺棘扶石槌骨有如是等種種
苦行苦行之功福德因緣歸何所耶佛荅之
曰如吾前說行苦苦報行樂樂報汝不聞乎

王言世尊制諸弟子令持禁戒非爲苦耶夫
人飢時不即得食煩惱橫起忿怒隆盛不自
覺識起想懷害殺修迦羅如斯之事兩世受
苦豈非惡也佛告王曰吾前所以制中前食
者爲諸比丘捨外道法於我法中出家爲道
先習苦行飢餓心故得諸弟子肥美飲食貪
食適飽食不消故則致衆病是故制食非爲
飢苦求福德也又節食者見諸比丘縱橫乞
食無有晝夜食無時節爲諸外道之所譏責
而作是言瞿曇沙門自言道精何以不如外
道法也是故節食非於飢苦而求福也以要
言之所制禁戒正爲癡人無方便慧非爲智

人知時宜也。如我前說般若智慧即是解脫。智者所受聖所行處。王聞是已。益加歡喜。更起恭敬。為佛作禮。一切大眾皆如是。波斯匿王長跪合掌白世尊曰。今此大眾聞佛所說疑網結解。猶如日光消除闇冥。得見大明。如此之功。其恩難報。諸弟子等當以何方施設供養報今世尊斯重恩也。佛告王曰。及諸會眾。甘露法教。其功難報。假令有人於恒沙劫盡心奉事佛法。聖眾衣食。則具疾病醫藥。於意云何其福多。不王曰。甚多不可稱量。佛告王曰。甘露法者精妙難量。濟無麓細。非天世人福德之力所能報也。唯有一事能報佛恩。

何謂爲一常以慈心以其所解一切善法展轉開化乃至一人令其信心成就智慧展轉教化無有窮盡譬如一燈然無量燈如是行者乃名爲報師徒重恩大王當知欲報師徒解脫恩者還以智慧解度衆生如是行者則爲供養三世諸佛非但供養報一師也王叉手白宣傳聖教開悟群生令行正見修習聖道其福云何唯願垂哀開導衆生佛告王曰若善男子善女人從師聞法一句一義展轉教化乃至一人未信令信未解令解如是功德無量無邊非是凡夫所能知也大王假使有人於千歲中次食醫藥上妙衣服供養恭

敬佛法聖衆其福多不王言甚多不可稱量
佛告大王善男子善女人從師聞說諸佛正教
展轉教化乃至一人令其信解其所得福復
過於彼千万億倍不及其一何以故法化之
功應無量故佛告阿難如此法教精勤宣化
一切人民其福無量阿難我今以此無上妙
法付囑於汝宣布教化過度衆生則爲供養
一切諸佛阿難又手白世尊曰佛囑此經當
何名之佛告阿難此經教者名未曾有說因
緣經當勤修行今時波斯匿王祇陀太子夫
人後宮四部弟子釋梵諸天八部龍神八十
万人聞佛所說皆大歡喜各各發心向三脫

門禮佛辭退如法奉行

未曾有因緣經卷下

莫

德上音德下音德也反償音常待也倍裴音市恃音市怙音戶

駭反苦昆親初檀近施也反葱音上蒜音上筭七辛紅菜反也下焦

爛上音爛下音爛易反擦下音擦七到反作操音迺古作定經反音亦今俗遠

擢上音擢穉反音穉朱毛下音布也下方音毳上音毼音塔下音統音紕音紕音

相反傳下音是音茵音禪音也音聲音穀音正音鵠音鵠音下音統音紕音

驢下音騮下音也音留音厠上音溷上音困反初使反反下音胡音佞音諂音定音女音

駸音開音夏音灑音也音浮音也音耐音忍音也音忖音思音本音友音餉音尚音

仇音怨音也音求音欠音呿音口音下音運音氣音也音燻音字音熨音魅音密音二音絞音古音

友音滂音適音猶音友音良音輒音厨音宰音上音直音朱音反音紛音紘音反音上音下音音音

云

調

戲

上

徒

持

字

訴

音素

靖

音

適

音

沛

然

元上

音

蓋

變

反莫

班

酒

酌

下

更

請

察

銅

鑠

銅

薄

元上

望

閔

反

或

作

咳

凝

蓋

碑

腎

正

作

壓



云調戲上徒持字訴音素靖音適音沛然元上
蓋音變反莫班酒酌下更請察銅鑠銅薄元上
望閔反或作咳凝蓋碑腎正作壓

